

欽定盛京通志卷之七

聖製七

世宗憲皇帝御製詩文

碑文

祭文

詩 雍邸集

欽定盛京通志

卷七

目錄

一

欽定盛京通志卷之七

聖製七

世宗憲皇帝御製詩文

碑文

重修北鎮廟碑文

雍正五年

國家敬共明神虔修秩望嶽鎮海瀆之祠罔不祇肅  
醫巫間山實為北鎮近接興京翊衛關輔曩者

皇考御書匾額以展褒崇復遣官修飭廟貌

御製碑文光昭奕代典至盛矣康熙五十九年朕奉

欽定盛京通志

卷七

聖製七

一

皇考命恭謁

祖陵於興京道經山麓躬詣展禮瞻仰祠廟蠲潔致禱  
因捐貲庀工載加整葺嗣是雨暘時若禾黍有秋遼  
左黎元咸沾嘉貺洎朕臨御之初復遣專官董司營  
治棟宇榱桷丹雘一新雍正四年冬厥功告成朕惟  
茲山表自虞書載在周禮蓋自天地開闢以來靈秀  
之所萃聚越數千年神應彰顯而我

祖宗發祥關左豐岐重地王氣所鍾惟神實為擁護永  
奠鴻基靈蹟頻昭朕懷允愜敬共之念夙夜加虔神

其弘敷蕃祉益顯豐功俾方輿之內四序順成百嘉  
鬯遂風雨慶其調和民物樂其康阜洪熙默贊歲事  
豐穰慰兆庶依庇之心以稱朕愛育羣生肅奉靈祇  
之意式鐫琬琰用昭示於億萬斯年

祭文

祭告長白山文

雍正元年

維

神天作崇高地鍾靈異發祥有自延祚無疆朕纘受  
丕基新承景命竊念

皇考膺圖以來百靈効順四海從風坐享昇平六十餘  
載茲當嗣位之始宜隆祀享之儀特遣專官虔申昭  
告惟冀時和歲稔物阜民安淳風徧洽乎寰區厚德  
長敷於率土尙其歆格鑒此精誠

欽定盛京通志

卷七

聖製

三

祭告北鎮廟文

雍正八年

維

神名著禮經位均方嶽峙興京之重地擁衛畿東炳  
福國之明靈庇安遼左朕昔奉謁

陵之

命會申詣廟之虔瞻望層楹遂捐貲而營葺紹承寶位  
復發帑以增修煥丹雘其如新鑄青珉而紀事溯工  
程之肇啟閱歲序之屢更十雨五風協休徵於泰運  
萬箱億庾占瑞應於豐年神貺昭彰朕心感慶遣專

官以將事陳牲醴而薦馨所冀巒岫鬱葱奠鴻基之  
鞏固郊原膺厚贊和氣以蕃昌惟爾

明神尚其歆鑒

祭大學士范文程墓文

雍正十一年

翊熙朝之泰運端重良臣稽冊府之鴻猷宜崇元祀  
蓋成勞懋著生平之風概如存斯盛烈昭垂奕世之  
寵褒益篤載申綸綍式薦牲醪爾范文程器宇超羣  
才猷間代軍帷獻議贊一統之丕基文館陳謨佐萬  
年之鴻業任專樞密內外之經緯咸周位重台司夙  
夜之籌謀悉當於戲流芬竹帛卓然一代之完人樹  
範巖廊允矣千秋之茂典列豆籩於祠宇渥澤攸隆  
布筵几於里閭湛恩疊沛靈其不昧尚克歆承

詩 雍邸集

冬日

聖駕自塞外回鑾謁

陵恭紀

威德綏荒服

乘輿按部回歡聲盈朔漠瑞靄被龍堆鞭拂霜花淨旗  
飄野吹開更遵

豐沛路

陵殿薦尊疊

欽定盛京通志

卷七

聖製七

五

侍從與京謁

陵二首

承先崇報本橋道駐龍旗萬國梯航集敷天雨露隨  
精誠通寢殿肅穆奉宗彝敬仰松楸古昭森盛烈垂  
其二

龍興基景命王氣結瑤岑不覩艱難迹安知啟佑心

山河

陵寢壯弓劔歲時深盛典叨陪從威儀百爾欽

陪京

新豐傳舊里今睹濯龍池天地開神奧山河啟

帝基金戈勞百戰玉葉衍千枝追遠

皇情切趨從仰孝思

登望海樓

極目澹滄海涵泓無所從量包天地外色染古今容  
浪起思鯤化雲飛羨鶴蹤坐觀淵默裏萬派自朝宗

瞻仰盛京宮闕念

祖宗創業艱難恭賦二十韻  
奉

欽定盛京通志

卷七

聖製七

六

命趨遼海猗歎仰舊宮逶迤龍脉遠詆蕩鳳城雄念昔  
開洪造乘時建武功師征方自葛考卜重遷豐一劍  
風塵際三陴指顧中神威宣率土

皇極協蒼穹式廓彌增壯維垣遂克崇八門連闔域雙  
闕竦高空曳珮千官列輪琛萬國同兵農咸定制禮  
樂漸移風爰及純熙介覃敷景厯融寰區忻奠鼎故  
里抱遺弓沛邑恩優渥春陵望鬱葱星躔爭拱北王  
氣本從東綿阼鍾靈盛凝庥後裔蒙

聖朝殷孝享

勅諭遣微躬肅覩興京勝恭承祀典隆丕基勞櫛沐奕  
葉荷帡幪松檟靈祇護檐楹辟蠻通

祖宗光烈在明發惕愚衷

曉度杏山

曙色催樵牧山崖徑鬱盤霜凝鴉背白沙印馬蹄乾  
海氣籠朝旭林飈送早寒鳳城清漏隔遙憶

寢門安

望醫巫閭山

翠黛滿雲封遙看北鎮雄壯觀侔五嶽峻秩比三公  
欽定盛京通志 卷七 聖製 七  
葱鬱興王氣扶搖廣莫風勒銘維

祖烈瞻仰萬年同

渡句驪河

遼水東西岸寒雲接渺茫平沙留雁跡埃火靖龍荒  
木落晴巒出冰堅雪練長經時踈定省望日陟高岡  
謁

福陵恭頌

一峯天柱象崑崙聖武開基百世尊

廟貌輝煌藏劔舄塵氛蕩滌闡乾坤赤龍遐舉雲留影

石馬宵趨汗漬痕赫濯聲靈通優肅春秋霜露感長  
存

謁

昭陵恭頌

鍾靈毓秀氣佳哉宇宙從茲景運開

帝統兼因文治廣

聖基豈獨武功恢遼韓海水涵深澤松杏山高接上台  
虔肅奉觴恭拜畢五雲飛處久徘徊

望海樓二首

欽定盛京通志

卷七

八

凌霄雄傑聳層樓碧海蒼茫遠望收混一乾坤雲水  
濶濯磨日月浪花浮百川輸委盈襟帶萬類涵濡任  
泳游聞道此中覃帝澤幾曾汪濊有停流

其一

朱欄畫棟最高樓海色天容萬象收水底魚龍應變  
化天中雲雨每蒸浮無波不具全潮勢此日真成廣  
漢游仙客釣鰲非我意憑軒惟是羨安流

欽定盛京通志卷之七